

雙山縣鄉土志

雙山全境輿圖

前吉林長嶺縣道

赴洮南站荒道

第三區警察所

第三區警察所

道縣源已赴荒裝入

道縣源已赴荒裝入

南黑山

雙山縣

第一區警察所

赴荒便道縣道

赴城道

珠船

張
赴
華化縣道

河

南

懷

德

縣

界

東

東

康

序

縣有志舊例也雙山蒙荒懇民初集三年成邑乃出意外母以志書缺如引為己疚然自揣絳灌無文
又復勸農鮮暇求之行篋書卷寥寥諸友朋績學難覩歎然者久矣客歲
民政長令各縣送鄉土志時值籌辦冬防訟獄且繁又不敢無以報
命爰於風晨雪夜據事直書陋不待言望

鴻博君子諒之教之勿棄

大中華民國三年春奉天雙山縣知事山左牛爾裕編

王長治

李永豐

調查員張樹猷

王茂華

趙培崙

王世儒

方侃

牛方儀謹校

方梅

雙山縣鄉土志目錄

輿圖

歷史

政治

兵事

人族

戶口

宗教

實業

地理

山

水

道路

風俗

物產

植物

商務

附錄

親民堂記

雙山興學記

防疫說

移民墾費書

摘要補錄

呈報調查荒情暨安墾章程

勸墾告示

呈報墾戶安莊辦法

附表牌

呈請限制蒙古田獵

呈擬墾戶自衛

呈請開通河運

呈報局房營房工峻

呈報創設學堂辦法

呈據情請緩酒稅

墾戶未到由官招佃告示

呈報漢蒙清界事竣

呈報雙遼互爭公地請查案批示

呈復雙遼息爭辦法

照會雙山自治會赴荒務局會議

呈張都督兼民政長雙遼爭地案辦結

詳張上將軍兼巡按使請辭職

書雙山田賦事

書鑿渠洩水事

雙山留別詞

雙山之名甚古也稽其部落為古山戎周獫狁秦漢匈奴唐以來蒙古全境之東部鄂爾羅斯公旗之南角赫爾蘇河出邊門折而西南流赴昌圖所必經之地境內有山名米和名新甸有哈拉巴山故舊呼為米哈新甸亦蒙人言也以滿語考之則為納窩窩集即歌爾敏米嫩之南境也歌爾敏米嫩即今吉林西南長嶺縣原作長嶺府境事見滿州源流考地本為內蒙折里木盟長達爾汗王旗之不動產同治末年蒙王弟與漢人博博負甚巨遂指米哈新甸荒為孤注一擲擲畢悔之漢人索地訟益急達爾汗王固不許訟二十餘年累人多矣光緒三十三年

前總督徐世昌奏結派員大放凡展轉而與有債權者雖僕夫庖丁無不得地共地六十萬二千五百九十五畝計一千九百四十方面積二千六百九十二方里分實邊固圍利用厚生為八繩即八段也因距遼源稍近蒙務局設於遼源宣統元年又故事歲安卷亦寄存遼源州署是年冬十月撤設安棚局以移民殖邊為宗旨委局長一員爾裕適承其乏率司書三人十一月披風冒雪渡遼設局調查入手辦法次年正月十六日實行招墾於實字段界內蒙屯班達窩棚之前名曰雙山鎮建局房一所營房二所至民國元年農商大集九月改設縣治以安棚局長兼任設治委員隸於昌圖府今無府名

二年縣治成立北路觀察使屬之

雙山政治以安墾為隗始初學製錦夫何足錄錄政之稍能使民已得實效而為

上官所嘉許者按東三省官地不難得領戶而難得實墾當宣統二年正月安墾之初蒿萊遍野四無
居人爰就地質之宜民情所利採諸輿論參以古今中外成法擬簡章二十則呈准登報并廣告遠邇
閱兩月僅得民六十餘戶甚惶恐乃布告自責并與新至之人約勸墾至五十方以上者捐廉獎以匾
額三十方以上者獎以楹聯有地十方以上一時全數墾種者則酒醴以迎之斯漸踴躍三月杪乃得
民四百五十九戶經秋又得百餘戶遂過六百戶承墾地五百餘方矣次年又次年皆如之至民國二
年春乃得三千餘戶奉省胡匪之多甲乎他省推原其故皆由於家自為村居民星散軍警保衛力既
難周鄰里扶持勢尤單薄爰於安墾之初規畫全境每地二十五方居中立一村屯凡承墾此二十五
方地者或三五十家七八十家皆得聚居於此廬田相距近者接壤遠者二里便負未也西村東堡不
過五里鷄犬聲通便守望也又每村發給六尺木牌一桿名曰安莊牌凡此村之村名地圖安莊規則
築房形象以及公穿水井宅基價值悉載焉每村舉村長一名或二名凡村中窩賭窩匪吸食鴉片關
毆等事村長得查禁之禁之不聽而不報惟莊長是問然莊長又不准索鄉鄰一錢尺兼任看青青糧
歸之毋响亦不過一升升半耳又選年力精壯心地明白略識文字者村各一人來署教練每日講堂

一次認字義講規則署員司分任之操場二次教戰法巡官任之三月畢業發給文憑回村教村中四十歲以下者午陰涼處明月光中隨時練之既不防農又不費錢總期人人有當兵資格以漸進於國民之程度此安置墾民保庶保富之道也然富而不教何以為國遂於宣統三年春捐廉百五十元創立兩等小學一所入於署內設簡易識字一課以期文明進化始於教育惟墾荒多則穀穢無銷路則穀賤穀賤斯傷農矣欲求銷糧儲糧之道非水路火車不為功本境至五站百八十里運糧稍難若水路一通則千萬石不足慮矣按境南十二里為赫爾蘇河

土人曰東邊

出赫爾蘇邊門折而西南流過

昌圖府北會于西遼河所必經之地宣統三年邀同地方人民前往查看沂流而南直抵三江口水清而深泥底泥岸以興航業百世利也遂繪圖呈往開運有素封陳平林家捐地五十畝以作河岸停貨之地土峯旌之而使山今歲之糧車逐日銷百五十石不止國家稅亦因之大暢

開荒之有益於國非盡人所能知也然業戶墾戶之求利己也則人人所同若非安墾者因利利之恐求兩益易得兩害何謂兩害業戶見利心逸有時而增租奪佃此墾戶之害墾戶承稼收成抗租不交此業戶之害兩害不除墾殖何望當宣統二年安墾之初即定章業戶招佃其有無佃本幾年納租若干佃幾年聽其與墾戶直接磋商商妥收具妥保立有租契同本局親經驗看果係安分農夫即發墾戶以承墾書發業戶以招墾書書中有限內不准增租奪佃墾戶不在欠租脫逃等字樣局有存

根以備存查而杜假冒如遇水旱偏災則為之雙方調和或減或緩以待平為主

官民相親然後相信自前清牧令過尊官與民遂相與遠甚民與官終身無半面之緣者十居八九

欲痛癢相關得乎雙山招墾之初即與民相約以直接不但課贖問雨時與賠款即十元二十元之債三石五石之租十隴八隴之地偶有爭持便來口訴隨訴隨傳片言而解欠債者勒限發保立結去矣行之三年民以為常甚至家事亦以理之是非來相請問如子弟之見父兄者然有過亦必申斥之除大轆葛與大刑事概不寫狀為不費一錢便民而有工且情相親則易於教化也今雖設治年餘仍不能改絃惟大不為好訟者所喜耳

農集矣非商無以濟日用所必需然商業之興衰又必視乎錢法奉省板帖除省城消歸烏有外其邊外城市無處無之甚且帖面有注明通融地面一家付錢等字樣倒閉可立待也誤國誤民莫此為甚雙山地面初開正如斬梓染絲功在初化不得謂但求一時發達之速致等渴飲盜泉轉遺後累是以屢屢苦勸各商家始終不出板帖而雙山錢法民都歡迎

自前清末年新政繁興機關林立善疑之法亦密若網羅夫新政誠利也而民間之困苦亦大可憂民為邦本古人非欺我者雙山地係新聞民力未紓以少籌款為宗旨然謂新政可以緩辦則又不敢乃抱定少花錢多辦事之宗旨以斬斬進行如辦學堂暫不設勸學所本縣印務學所也辦巡警費不設

警務公所及警長等官本縣即警長也辦預警亦不籌款不設預警長本縣即預警長也凡此皆為省錢計夫一邑之地一人負擔眈然一身有何財力鮮不謂攬權以欺世也第念廣廈高臺自必千緣百揀寒廬猶就不妨土壁茅檐如其地小而鋪張何若儉固以入手若待日後漸臻繁盛仔肩不勝自當添設計雙山縣立高初等小校一處校長兼教習等共二人南路初等小校一處教員一人雙龍泡初等小學校城裡王西女子小學校慈惠村女子小學校各一處皆取鄉立名義每處由公款中月助小洋十元其餘一切費用均歸學東自備擬本年組織多處皆用此法是有公款百一十元便可興學一處有成立一處歲費千元之款便可興學十處其省費多寡顯而著也巡警共立三區每區二十餘人只有巡官二人其預警原所以補巡警所不及即以三區巡官勸導而聯絡之亦省一籌款手續也至自治會農務會收捐處亦均極力節有不能浪費銀錢詢以各會係本地人辦本地事非紳即商各有家庭各有營業不過熱心公益共保治安如其視為差缺以博金錢致日日籌款俾鄉民幾無寧日何如清白乃心共舉重舉俾同胞共享安和然雙山此道一行而深明大義者莫不贊成其有志漁利而不可得者恐不免於怨耳

除務安良官已...

有與民直接每有受賄或攪擾情事見甲問乙無不潑潑潑潑詎實按律法本天事其小輩才
害可消訟徒之得意全由於官民相隔若民未訟先已知其行為既訟便無所用其蒙蔽斯訟徒之鬼
蜮伎倆焉能施之於青天白日哉若夫土豪惡霸行為昭著稍有識者皆遠之防之劣迹一著置之於
法其胆自寒惟假手以兵警之權黨羽既多則難治矣最可恨者外柔和而口公益者能使人人受其
愚人人樂聽其說人人樂為所用凡一切搖搖撞撞騙巧滑畏嚇之道無所不行勢必達到損人利己之
目的官所明知之而無劣迹在控竟不能治之此真蠹民之尤也竊為此慮他無良策亦只藉與民直
接之法以破之尚未為大病

雙山即指大小哈拉巴山而名之為懷德遼源奉化三縣胡匪淵藪宣統二年安堡之初呈由遼源撥巡警四十名以資護擊

上峯許之遼源拒之不撥一兵遼固款少亦由膜視幸前路統領張雨亭師長派步隊四十名繼復分來馬隊一哨至八月間又令馬四營營長孫占鰲帶全營鎮攝其書記官高子欽運籌帷幄迭次游擊生擒著名胡匪地方賴以安謐旋移營洮南吳統領與樞上將派隊繼之屢著戰功民國元年春有匪首天下好肆擾無忌經萬壽山管帶到處追擊卒用擊散是年九月雙山設治北鄉初設巡警劉巡官海峯擊獲天下好匪夥北感一名二年夏又有匪徒綽號大梭聚匪多名是時萬壽山已陞幫統率隊擒賊二名經劉巡官海峯生擒劉四喜一名奪獲人票二名并槍枝馬匹等件九月匪首大梭帶匪十餘人又竄入小哈拉巴山前蒙屯邊達營子劫擄懷德吉林富商五人適遇雙山第一區巡警李士訓等三名清查戶口見賊髮指明知眾寡不敵而李士訓等奮力斃擊二旬鐘之久卒將被綁商人奪回而匪槍子彈擊中李士訓衣襟者至再噫險矣哉旋復會防營出隊聲擊賊乃遂驅十一間又有著名匪首大廣子等十餘人由大哈拉巴山過我賊北二十五里之金山堡經後路巡防馬隊哨官唐寶鈴步隊哨官劉忠卿游擊截獲擊斃匪徒一名官兵亦有傷者匪奔西南而

逃又經第一區巡官何成英帶警追擊賊始解體地方乃安

人族

漢人 蒙古 滿州 漢軍 回回

戶口

漢戶二千六百一十五戶蒙古九十七戶滿州六十一戶漢軍三十二戶回回六戶共男一萬零七百十四名女八千三百五十六口

宗教

拉嗎教二百二十名天主教三十三名耶穌教二十六名

實業

農八千六百三十四名工三百二十二名商七百七十一名

地理

本境在奉天省正北偏東四百六十里東至懷德界百六十里西越蒙荒至遼源界九十里南至奉化界百四十五里北界郭爾羅斯旗蒙荒八十里全境分為三區共八鄉縣無城垣設安墾局一所今改為行政公署警察事務所附設公署中街高等初等小學校一所後街初等女子小學校一所

一實字鄉縣治所在該鄉之北東西寬三十里南北長二十里距遼西南十五里曰樹愛村有初等小

學校一所縣西八里曰慈惠村有初等女子小學校一所東界懷德西界蒙荒南界遼源一角北界邊字鄉境內風懸重疊距縣里數以人行道計寬長均直算以下仿此

一 邊字鄉東西長三十七里南北寬十八里東界懷德西界圍字鄉南界實字鄉北界圍字鄉

一 圍字鄉東西長四十四里南北寬九里東界懷德西界圍字鄉南界實字鄉北界圍字鄉

一 圍字鄉東西長四十三里南北寬十一里距縣北二十里曰邊達營子第二區警察駐于此東界懷

德西界遼源南界圍字鄉北界利字鄉

一 利字鄉東西長四十四里南北寬九里東界懷德西界蒙荒南界圍字鄉北界用字鄉

一 用字鄉東西長四十六里南北寬十里距縣北四十五里曰天興鎮第三區警察駐于此東界懷德西

界厚字鄉南界利字鄉北界厚字鄉

一 厚字鄉東西長四十一里南北寬九里東界懷德西界蒙荒南界用字鄉北界生字鄉

一 生字鄉東西長三十一里南北寬十里東界懷德西界蒙荒南界厚字鄉北界郭爾羅斯旗荒地吉

林長嶺縣

山

縣東北二十里大哈拉巴山漢語譯曰黑虎山象形也山高不過五十丈圍可三十里土多石少望之濯濯焉時有變象或山頂平如蓮花半開或大如銅柱矗漢朝夕改觀土人多見之又常有雲氣往來青蔥可悅惟其形如虎危坐尾北頭南甚猛烈也

縣正北二十五里小哈拉巴山高不及大哈拉巴山之半圍可二十里土多於石者十七山平而頂圓蒙人不知種植無林柯有柳榆不拱把也南面有水溜每夏雨大水輒聞瀑布聲

縣城西二里有關寶山南北長二里餘高不及里樹木疏落星月夜中每望山上髣髴有金碧光故名關寶蒙人至尊信之有人敢取關寶山一石片者如竊盜罪究其石小者如拳大者才如斗耳然此山定為縣之西壁小哈拉巴山幢於北大哈拉巴山幟於東若或南則有遼河相環繞再南則一帶平密正如屏風向吾曹也故相其陰陽觀其流泉雙山縣城最得地利

水

東遼河即赫爾蘇河發源於長白山西北支之庫爾諾窩集西北流過赫爾驛西出赫爾蘇邊門折而西南流經懷德之朝陽坡至雙山之南境奉化之北境西至遼遠之三江口會于西遼河越通江口達開原鐵嶺直放營口入海其河之經過雙山南境計河身寬處五丈窄處三丈有奇水清而深

可五尺春日水開夏暑雨後鯉鱗逾尺鯽魚尤多居人捕之日可三五十斤味復甘嫩縣北三十里三玻璃之南小哈拉巴山之北有河一道平川水淺每夏日雨集水流而南直灌界邊越水安化之東玉尺村之西入溫德河口河深二尺闊二丈餘再南越掃竹台之東入長泡子泡子容水多水中多魚菱角尤盛每春夏之交莖葉青翠水面浮漂既秋居人收菱角輒得仁數十斗蒸食以代穀近年亦稍稍稀矣此泡又名二道河子赴東遼河必經之渡水滿則匯於遼民國二年河運既通航業漸盛就二道河之上修高橋五控以便陸車

雙山平地不及風巒之多然每越一崗必有平地地掘深五六尺便有泉涓涓生水清而甘居人美之

道路

縣西二十里嘉禾村西行五里至厚俗村接連五里至蒙古白仁包頭均為縣界再西十七里教力卜窩棚二十二里依斯們德窩棚九里字字屯以上皆屬蒙荒十五里至遼源北由縣城至遼源大道又自縣北邊連營子西南行十二里忠信莊五里嚶哈吐十五里五棵樹十五里白仁包頭通遼源北縣北各鎮赴遼源大道

縣東五里長發屯十八里衙門屯八里八里營子四里入懷德界再至縣北邊連營子東北行十二里

集福屯五里帶經里十里川頭十二里懷德界之謝家帳房統為由本境往懷德大道

縣北過嶺十里平安里十里邊達管子五里齊家村五里三玻璃五里樂利村八里天興嶺十里節土
花五里福壽莊三十里至長嶺界之新集廠為赴長嶺大道長嶺等處之來本境及往來昌圖奉天者
亦由此道

縣東南八里中和里十二里少老閣台二十五里張家船口渡河入奉化界為赴四平街之大道

縣西南八里慈惠村迤南五里祥雲里十二里博愛村五里通德七十五里入蒙界之農農閣由此赴
三江口為往奉天大道

風俗

新集之民齊魯燕趙十之四西豐西安懷德奉化遼源昌圖十之三寧遠錦州新民蓋復岫巖奉天各
縣及吉林長嶺磐石等處十之三商家以昌圖之八面城人居多數爭利於市最強盛民則直樸無文
見往來過客易於款待炊以蜀秫米為大宗間有食穀米者米飯蔥葉習慣甘之白菜豆腐地豆皆小
康家用之男多女少若二十歲男子聘十六七歲女子聘禮可至六百元之多廉亦須四百餘元迎親
無轎以車代之車上打棚結綵鼓樂將之娶多以夜賀者皆以銀一元二元五角不等主人備酒肉三
日喪禮與瀋陽同風俗之厚猶為近古惟賭風不息凡商店及鄉屯之有力者往往聚賭以糧為輸

羸然捕之不易耳目多也種地貪多有一戶種一方二方者務廣而荒往往然也近年極力勸以耕耘之法稍稍變矣

物產

動物以牛馬羊豕為常產羽多雉聞有灰鶴即詩所謂鶴也獸無虎豹麋鹿惟黃羊子狼犬則聞有之春風浩大天氣較寒谷蠶者少然擬試栽桑以養之并提倡山蠶以利我農夫

植物

境東懷德境南奉化樹林深密楊最多柳次之本境蒙屯若班達窩棚有樹百餘株掃竹台百餘株溫德屯四五十株三玻璃百餘株川頭二百餘株城西蒙屯五棵樹百餘株此外新村初種楊柳都活矣然午陰不能蔽日五穀豆最多而美金黃色粒小堅脆為邊外第一雖昌圖鸞鷲樹屯所產不如也高粱為大宗芝麻尤佳穀子稗子次之蕎麥包米次之小豆豇豆土豆蘿蔔白菜皆常產無特色惟子最盛每年得子皆賣諸五站等處藥材無人穫有桔梗車前子竹茹而最多者莫如芍藥大道東西風巒之上春末夏初紅白燦爛不圖荒僻之區乃有此花使人心怡

菓樹全無惟山杏最多然有花無果北鄉天興廠北荒草中偶見榛子樹數株亦低小不禁風也

商務

黃豆蜀林為大宗春冬之間約可美銷萬八千餘石燒酒歲出約二十萬斤本境約銷十之四外運者十之六也其餘自外運來之貨以國稅計之歲不過十五萬元之數耳

親民堂記

遼北蒙疆土地不闢民以貧窶達爾汗王旗出采哈新甸八十萬畝備舊債於民宣統元年步章甫畢時

制軍錫大臣清弼適督是邦整躬率屬百度煥然尤以安民為性命既冬撤爾裕以安壘臨行戒曰地

可墾闢悉為農郊以贍朝隸汝往務善所事爾裕唯而退冒風雪馳五百里視一周地皆沃壤惜蒿萊

滿目四無居人寥落蒙屯不諳耒耜乃殫精竭慮思與民以便墾而求所以安之之道擬治法二十則度地居民比閭相受本乎周禮重農桑全善良聯保甲則恪遵

聖祖仁皇帝

世宗憲皇帝聖訓諸篇歲除旋藩面陳所擬制軍嘉焉今春來閱三月得民六百餘戶確負接踵卜

宅百間犁鋤且千雨復及時田苗蔥蒨爰於雙山之陽誅茅構木立懸讀書法之堂榴月落成士庶相

慶余曰是堂也宜顏曰親民夫牧令者親民之官也疏則秦越親則一體而民之緩急利弊疾痛疴瘵

好惡美惡皆以親而無所不知知之則必思所以處之經云如保赤子非與爾裕官卑才拙視聖賢所

謂保民殆不及萬一冀藉此觸目警心以盡力於民隱庶幾民以集而日多地以闢而日富衣食源足

禮讓化成治安之象不且於此堂見之哉抑大學在親民程子曰親當作新又與

朝廷銳意維新之旨相合然則親民堂即謂為新民堂亦無不可是為記

宣統二年五月

雙山興學記

余安壘之初年歲大熟新村穫稼露積如雲髻髮歡呼市肆充溢次年春商農益增乃聚二三文學士與鄉父老而言曰庶矣哉吾雙山之民也農解力田商謀生計是富之象也無學以教之可乎雙山在蒙古郭爾羅斯公界東南之僻內外遼河匯流入三江口之東北蒙人嚮呼曰采哈新甸雖無危崖峻嶺而土脈深厚北自八十里蜿蜒而來風鬱迴合河水秀發其氣象蓋不可以終窮惜自古未聞偉人傑士或讀書明理者出於其間然則其氣鬱撓四十年殆由此而一昌與爰出百金為之倡又請於制府以地畝公捐公地租利繼之建漢蒙第一兩等小學校一所兼簡易識字塾又於城北蒙屯及西南鄉博愛村東北鄉豐收里各立初級小學校一所就近延師教之計一處之費八百金而得以讀書識字者可二百人余以翔望率學生習禮其中宣講教育之旨一時聞者翕然而提學使盧公允嘉許惠寄教科書若干卷噫興學之難也科舉停學堂立且十餘年矣而鄉里之愚猶有聞學堂之名見體操之狀駭然掩耳而走者夫儒通天地人之謂也昔人云一事不知儒者之恥今學校之業大者為政治文學格致農學工藝商務醫術六科小者為修身經史字學算學與圖體操數課何以非堯舜禹湯文武周公孔孟之書所備載者乎即推之歐風亞雨并未出乎天地之外亦不得異視其為人生今之世而不知天所覆地所載與今人多寡同異優劣強弱貧富離合之分是醉生夢死之流也然向之聞

學堂觀體操而駭然者固不足怪語有之入城而後知有城入市而後知有市惟其無學堂之可入而後不知有學堂今有之矣將見學與年並由一而擴之千百向之駭然者漸漫而通乎天地人之全又豈僅可以保雙山之富庶即吾國之富庶亦且與有責焉然余固勸農更也無興學之責無其責而為其事未必不為旁觀者所訕笑而余則側身四顧有不能已於憂者竊恐非人人讀書明理他無所謂挽救於萬一也故甘蹈越位之思而冀此間人民早讀一日之書早明一日之理斯為幸耳

宣統三年二月

宣統辛亥春鼠疫流行舉國嚴防奉省尤甚雙山最輕公餘乃作防疫說以誌其事

曩讀史記歷書有云堯立羲和之官明時正度則陰陽調風雨節茂氣至民無大疫是疫自古有之而

所以防之者則在明時正度於未疫之先於戲善哉中天之治其弗可及也矣至周官占夢季冬聘王

夢獻吉夢於王王拜而受之乃舍讀釋萌於四方以贈惡夢遂令始離驅疫故鄉黨記鄉人儺孔子必

朝服而立於阼階是以驅逐於未疫之先藉神道設教悚惕人心使人心悉歸中正則風俗以和陰陽

以順而斯人咸歸於無病漢舊儀曰顛頊氏有三子生而亡法為疫鬼一居江水是為虎一居若水是

為罔兩蜮鬼一居宮室區隅善驚人小兒而後漢禮儀志載儺始禁中先臘一日選中黃門子弟年十

歲以上十二以下百二十人為儺子儀訓善皆赤幘皂製執大發方相氏黃金四目蒙熊皮玄衣朱裳

執戈揚盾黃門張子曰甲作食凶沸冒食虎雄伯食魑騰觸食不祥攬諸食咎伯奇食夢強梁祖明共

食殍死寄生委隨食觀錯斷食巨窮奇騰根共食蟲凡使十二神追惡凶赫汝軀拉汝幹節解汝肉抽

汝肺腸汝不急去後者為糧因作方相與十二獸舞歡呼周邊前後有三過持炬火送疫出端門外驕

騎傳出宮司馬闕門門外五營騎士傳火棄雜水中降而百官官府鄉里皆儺禮有繁簡其意一也又

東京賦曰捐魑魅斷猛狂斬委蛇腦方良囚耕父於清涼瀟女魃於神潢殘夔魑於罔象殪孽仲而殲

游先注魑魅山澤之神猛狂惡鬼一曰無頭鬼委蛇大如車轂方良草澤神耕父女魃皆旱鬼斯言也

雖非無根究其意之所在將以魑魅猖狂之類喻朝野小人而警懼之使勿為人害耳且夫大臣失職
官吏貪猾土豪橫暴其流毒人間無非疫也假令使外交者以柔順為文明以諂諛保祿位致令國權
日削敵艦日漲而人民將難保其種族司內政者以局差為戚友之應酬以官缺為權之禮物致令賢
才尚卷運動成風而得志者膜視民情冤愁莫訴司法律者聽斷不明繼以納賄甚且妻孥吹烟而窮
民之鴉片則擊治死也高樓縱賭而愚子之紙牌則納入徒流司財政者私肥公瘦刮血伐毛正欵外
別立名目巡差中大半招搖又切媚富嫉貧有大力不妨免稅呼朋引類小有才全無良心凡此者無
非疫也而受其毒者抑鬱憤懣而無可如何於是有遭兵刃而橫傷者矣有死於水火盜賊者矣有被
人取財逼死者矣有被人強奪妻妾而死者矣有遭刑禍而負屈死者矣有飢寒無告死於溝壑者矣
是其人皆上無以防之於先及其既死魂魄不散依附草木杳杳無歸遂成癘鬼是受疫而死者死復
為疫其疫之未發者又不知凡幾也夫既疫而防之較不防愈矣防之失宜流為虐毒虐鬱結為疫之
根是防疫所以救死反驅無疫而播以疫以速之死嗚呼斯人何辜而罹於斯也然此特慮及之詞今
東三省之防疫必有以仰體

制軍之心副

朝廷之聖而造眾生之福者刻疫已漸漸消矣吾願此後之同胞其各善衛生各寬胸臆釀成和厚之

風消除官民之戾將見變化而無所用防不且復中天之治哉予姑存此說以驗將來

辛亥正月

熊東三先生垂詢移民墾費約舉一端以進

移民實邊齊楚燕趙道路不同水陸各異旅費亦殊不必備舉舉之自奉省至遼源站荒坨者城人車至五站三等票每人日洋二元一角五北去步行三百六十里五日可到來五套車四日可到此車能載八百餘斤容人六座每日約價銀三圓之譜人日失宿約三角可也若舟行則自鐵嶺馬恩溝或自營口直達遼源城外泊馬自鐵嶺登舟每人船價不過一元五角營口信之較陸為省然係上水船春日南風一帆飄蕩四五日亦可到非南風則十日八日不能逆計矣

墾民一戶男婦平均以八口計須土房三間房高八尺縱一丈八尺橫一丈寬二土柱四每間土工價約十二元楊木梁二架每架價六元檁二十一條每條價一元板門一窗二共約價二十元馬圈一約價二十圓周以垣牆約二十四丈高六尺每丈約價一元柴門一約價五元其蓆簾窗紙鍋碗瓢盆杯箸燈蓋帚礎杆四約亦須十餘元

荒地草根膠固非四馬力不能任耕犁一犁日可墾十畝然墾地一方須四十五日連駕之馬其力必疲故一方地須犁二副馬匹每匹平均價四十五元男扶耒婦執炊二犁須八人至開鋤時則須助以短工每工日價有六角七角八角不等約地一方須一百五十工收穫時又須七八十工馬一匹日用芻豆雖省亦須銀一角五分自四月半至七月可收於野則減半足英人一日日食之費黍飯蔥醬約

不過一角二分而歲時伏臘煮酒烹羊暑寒衣履不與焉其犁鋤耒耜車軸耨耨等器價又須五十元
惟秋風衰草著手添薪所省頗多

水井一眼深丈六尺便可用然非下盤木不能界土以注水盤木者斫木為六角高一尺為一架若井
一丈六尺則用十六架馬每架價一元五角連土工約湏三十元既立村也則視戶口為井之多少可
以公共措費石碾亦如之每盤約價三十圓

此係按戶授田統計舟車房井馬犁器具等費之大概也蒙地牛貴價倍於馬故耕馬尚馬若用機
器火犁則資本多而墾闢速即機机小犁以馬駕之亦效捷於人犁者半

東作西成利亦可計生荒獲糧遜於熟田以蜀黍計之每畝可獲三石 每石四百五十斤 以秋冬糧價
計之每石可易銀五圓五角而糶借之用亦大焉編房箔用之織席用之執炊用之講求工藝則造紙
亦用之其易價當可得糧價三分之一

以上約舉墾荒出款之數其旅費則言奉邊而齊楚燕趙可類推矣其入款則言蜀黍而穀豆芝麻
可類推矣 爾裕 生居齊國稍解耕田既到邊關矢除荆棘奈官卑而力薄蒙

垂詢而鼓軒謹舉所知直書以獻 宣統三年七月

摘要補錄

呈錫副軍為調查米哈新甸荒地情形擬辦安墾章程

為敬擬安墾辦法呈請

示遵事竊 爾裕 自顧菲才辱承

篤植感慚交集惟矢慎勤抱定官不擾民盡地利之宗旨以冀仰副我

憲台經營邊荒慎固封守之至意稟辭後十一月十四日馳抵遼源設局開辦調查年穀收數食貨價

值風俗人情并參觀學堂巡警諸政與張牧熟商安墾事宜見解大致相同至十二月二日携一僕四

兵稟糧赴雙山鎮鎮居州治東九十里道經三五蒙屯屯不過二三家鎮西六十里入雙境蒿萊遍野

一望無垠土地不闢誠可惜也 爾裕 止宿野店查鎮基縱三里有奇橫四里有奇北枕雙山南去三里

許有崗如屏又有土嶺映帶左右掘地丈餘水泉湧水清而甘鳩民於此不卜知吉鎮以內築室七

處土房十九間窺其意皆欲營商自是日披風雪越陌阡訪全境蒙屯入窮檐作土牀上與老農話陰

晴問疾苦述

憲台設官安墾美意務令家給人足固圍寶邊於是村中婦孺皆欣欣其有喜色而相告曰是為吾民

來也單煮白水以進復勉以孝弟力田而去計全境縱長九十餘里橫寬大牙不齊或四五十里六七

十里兩段較止為腴地噴沙土相間平壤宜麥穀蜀黍黃豆蕎麥沙崗宜棉宜瓜宜山芋地豆落花生
其下隲則宜稻宜稷宜藍誠五穀瓜菜易生之鄉也鎮東北若溫德屯哈拉巴山等處土脈尤厚草根
膠固二牛力不足任耕犁約豐年每地十畝為一晌可得糧四石惟樹木無多間有榆楊若桑若棗若
梨桃皆希有擬試種之禽多鷄多雉畜多馬次則牛但牛體稍弱蒙人食牛乳故也舊年多羊日露戰
後羊為之空至今孳生尚少若遼東亦則邊地皆是數日間報名種地者陸續至計開地四十五晌為
一方須六人三犁六牛馬連房并碾磨犁鏵鋤鎌之費須五百餘金富戶有力而不墾貧戶欲墾而無
力中戶有力能墾而無多官無補助故公地招墾最難 爾裕 仰體

憲仁敷陳

德意許之以密設村也官兵保護緩納租捐耕種久業其日用所需皆須購自七八十里之外又許之
以招商緩稅民始躍然而起無不稱便由斯以觀明年為安墾第一年共計地千九百二十方可望墾
熟三成第二年可望墾熟七成第三年庶幾禾稼既同人歌樂土樹林陰翳村舍成春矣茲就地質之
宜民情所利採諸輿論參以古今中外成法籌畫政體之全默達實邊之旨謹擬辦法二十條是否有
當伏乞

鑒核示遵以便春初刊發雪釋灌耕實為公便須至呈者

附安墾簡章二十條

一 公地招墾墾戶不分畛域但須取具妥保來局報名親經驗看實係安分農夫即予執照

一 民地招墾多有墊辦房井之資或二年按二八三年按三七分糧或每熟田一畝年租六七斗不等

今公地招墾既無補助只須寬期收租以恤民艱擬自開墾之日起至第四年分別上中下三則分為凡六三斗起租租分高粱穀子黃豆三班均納歸正紳經理以興辦地方公益如遇歉年由官勘

實呈請緩減

一 公地招墾須永遠耕種如無入租及他事犯法官紳均不准任意增租奪佃以安民心其學警捐欸

亦由第四年起

一 遇有原墾已熟之地當以宣統二年為第一年按上中下地分別起租其學警捐欸第一年每畝每

月納銅元二枚二年四枚三年五枚但不准隱匿地畝以期貧富公允奸人無從吞蝕

一 民地無論何墾佃墾均須來本局報名註冊如或包攬大段居奇不售又不招佃致地荒蕪至第二

年應給價收回

一 業戶招佃有無墊辦幾年納組若干一聽其自商商明來局互填招墾書承墾書由局蓋印兩造收

執如違書裁各情由官處罰

招墾書內有無故不准增租奪佃承墾書內有期內不准欠租脫逃等語

一荒地內遇有熟田無論官民均須交原墾戶佃種約租不得無故撤佃其自退者須親向業戶說明不准反覆

一民地如有典鬻或因事退佃須兩造商妥就近報知屯長以作見證乃須照章另佃

一每地二十五方居之一村屯每村屯約二十五家連附住者可四五十家公鑿水井公置石碾既有資本勢又不必可以守望相助也其房基如非佃戶業戶所自有即准立契價買以免日後葛藤惟遇公地免其作價

一墾戶必須在新設村屯連屋居住以便守望

一安設村屯擇其老成而初通字義者派為村長為一村之領袖

一村屯設立之後每逢農隙本局長親率巡警之有程度者自裹餼糧按村傳習務令強壯農夫皆知警備是即寓兵於農之意也

一村屯無樹則氣不發揚地邊無樹則風捲路侵且不足收容雨露之潤擬令每房一間前後種樹五株每地一畝沿界種樹三十株其嶺頭崗坡及不墾耕種處皆隨時督令種樹是則森林之基礎也

一居民多則招商最爲緊要此地本屬荒僻尋常日用之物皆須來自遠方運費昂貴創設鋪面又所費不貲非從寬招徠難期踴躍擬請將民間應用之品所有銷產稅一概免納三年無庸發免稅執照惟耕牛耕馬則於墾書填明數目以便通行其貨物之運自何處運往何處仍由何處照章納稅於此則商受其益於稅務亦無虧損

一商戶設立鋪面須先報明何等營業資本若干發給執照嚴禁鴉片并擬禁賣紙烟恐貧民耗財且烟料不盡可靠易滋流弊

一商民報名時并註明年貌戶口是則清查保甲之基礎也

一商民子弟必多擬由本局長先行捐廉百金設一學堂教以識字作人之道本局長隨時考課是則立學校之基礎也

一撥防營保護固屬有益亦須有得力巡警以保治安擬未設縣治以前由遼源撥巡警四十名其軍裝餉銀均由州撥發歸本局節制是即設巡警之基礎也

一本局未成立縣治以前民間大小訴訟概不受理重權限也

一本局凡事與商民直接有所報名領照一切事項上下均不取一錢

以上章程二十條其未盡事宜乃當隨時修正呈候示遵

批據陳查看荒地情形願為詳盡足徵留心民隱章程二十條准予試辦

宣統元年十二月

（Faint, illegible vertical text, likely bleed-through from the reverse side of the page. The text is too light to transcribe accurately but appears to be a detailed report or set of regulations.)

勸墾告示

為示諭事照得教稼與明倫并重農時相成以無違西成以來作為先民事尤不容或緩況此地僻居邊外舊隸蒙疆既井地之末均更烟村之希有百萬畝不諳稼穡到處蒿萊十五屯時慮荏苒難分苗秀今者劃茲土地粒我蒸民特意設官命名安墾更須趁此雪釋急早開耕愛此春長及時播種庶幾荒郊盡闢寒谷回溫閭閻多而宵小潛踪黍稷茂而飢寒弗慮人人自立消外侮於無形戶戶文明固邦基於有道本局長久游邊海深知官味之艱辛來自田間略識小民之疾苦容臘披風冒雪遍訪輿情旅經列驢連篇上陳民隱章程核准 憲恩即是

皇恩素性堪盟民事視如家事乃下車匝月已過春分查承墾各戶來者無多領地諸家見者亦罕寸心疑懼中夜傍徨其或居民散處果難於招徠與抑或勸導無方乃余躬之咎也撫歎懷而滋愧用再失夫愚誠自今日為始與紳民相期或函招領戶或結約村農如有勸墾五十戶以上者本局必旌其門 贈匾額一方 勸墾三十戶以上者本局必彰其善 贈楹聯一付 其領地在十方以上一時招齊

墾種者本局亦必酒醴以迎之所望官民一體遠邇同心共惜良辰大野齊興耒耜永歌樂歲萬年咸慶桑麻是本局所厚望也爾眾人其共聽之切切特示

宣統二年三月

呈鑄制軍報春季招入商民暨安設村莊辦法附表


為呈報事竊

爾裕

自正月十六日移局雙山鎮實行安墾始其冷落繼而恐招徠之無方乃出示以自責并仿照前賢成法勸墾至五十方以上者捐新獎以匾額三十方以上者獎以楹聯領地在十方以上一時全數墾種者則設酒醴以迎之於是漸見踴躍計至三月底共招入墾民四百五十九戶男二千五百四十五丁女二千零二十三口承墾公地地共四百六十八方零二畝五畝又每地二十五方居中立一村屯親往相度指示繩尺過水泡沙崗則附近擇遷其界邊寬窄不齊之處及安路旁邊則不拘方數多寡特別按插共計安庄百處每社發給六尺木牌一桿凡此莊地圖規則莊名年月皆載其上其安莊地價照原領分上中下則加價一倍每種地一方准買一駒作宅基場圃之用墾戶業戶無不同聲稱便兼之甘雨及時負耒者無不鼓腹若商人則羣沐三年免稅之恩目下招入商人三十九戶其肩挑冒暑者不在此數雙山鎮新築房舍一百八十一間振興之象已昭然矣所有本年春季招入商農暨安設村莊辦法理合具文繪圖列表呈請鈞鑒備案施行須至呈者

安莊牌

安莊規則



安莊規則

- 一安莊之處無論地主為誰一概不得阻攔
- 一房基墻圍母種地三方者不得過二畝以上並墻宇修房不得覆蓋
- 一任房所用房基墻定價地主立契作實永免為難
- 一他價每上地一畝價銀一元七角中地一元二角下地一角
- 一買價與賣契同時交清即送本局核驗蓋戳不取分文
- 一路徑水道各從方便
- 一地畝莊村多栽樹株有人所折立即重辦
- 一安莊牌闔村保護如有撞折失落闔村賠修

安莊表

寶

福蔭堡 七十七號

慈惠村 百九十號

長春堡 百一十七號

通德屯 二百號

德星里 八十二號

邊

百祥村 百零八號

同慶村 百三十七號

玉屏莊 七十號

喬木村 十三號

和親里 七十八號

安仁里 百八十號

字

祥雲里 百二十二號

中和里 五十三號

博愛村 百九十五號

負郭村 百四十三號

四美村 三十二號

字

長發屯 百三十二號

餘糧堡 百零三號

如意村 四十八號

積善村 四十二號

多稼村 十八號

集鳳村 二百二十號

鄉

鄉

三十九

翔鸞里 二百二十四號

固

甘雨村 二十三號

上永安屯 七十三號

上平安里 百四十四號

逢吉村 百零七號

忠信莊 二百三十號

圍

十全堡 三號

金山堡 八十三號

渥澤堡 十一號

帶經里 八十一號

嘉禾村 二百四十四號

泰來莊 百五十八號

字

字

四十

六合村 百四十一號

豐收里 二十六號

下永安屯 六十一號

下平安里 百五十七號

康樂村 百九十號

山杏村 四十九號

常平堡 四十三號

秀水村 百二十三號

馴雉屯 四十八號

集福屯 百二十八號

厚俗村 二百六十三號

貞固村 百五十五號

鄉

鄉

升華里 百八十二號

望杏村 二百十號

永嘉堡 二百二十四號

寶善村 二百六十五號

吉星里 二百七十六號

利旭升堡 四號

瞻蒲里 百三十三號

夢魚村 二百號

玉帶村 一百五十三號

用吉祥里 十七號

種德屯 八十八號

耕雲里 百六十八號

字

利澤村 百七十九號

錦秋里 二百十三號

仁和莊 一百四十五號

崇實村 二百六十一號

親仁里 九十三號

齊家村 二百八十一號

毓秀村 二百二十八號

常熟莊 二百十六號

元吉村 五十三號

樂利村 百三十五號

大有屯 二百十二號

鄉

鄉

新樂村 二百五十號

南聯珠堡 二百五十八號

天興廠 百二十七號

徐元里 三十六號

厚

安樂堡 十八號

太和莊 五十二號

嘉祥里 九十八號

植芳村 十二號

北聯珠堡 百六十三號

道德村 百七十四號

獲玉村 百八十六號

豐樂村 二百四十一號

生

四十二

福慶莊 二百零九號

繡谷屯 百七十九號

永豐里 九十四號

十

十一

迎春堡 十三號

自強村 六十號

吉利村 九十三號

延禧堡 百二十九號

富貴莊 二百十三號

興廉堡 二百二十六號

仁壽村 百九十三號

字

字

鄉

鄉

明達 宅 二十三號

彰善 村 七十二號

服先 堡 百四十號

孝友 村 百七十二號

文明 村 百九十八號

安慶 村 二百二十一號

福德 宅 三十八號

福壽 莊 百零五號

綏遠 宅 百三十二號

集祥 宅 百六十七號

大富 莊 二百零三號

守邊 里 二百二十一號

批呈登圖表均悉墾戶踴躍生聚日見振興具見該員勤於任事措置有方殊堪嘉許以後仍應益加奮勉尤以督勸墾民力闢地利以副本大臣創設安墾實邊興利之意

宣統二年四月

呈錫制軍請限制蒙古田獵

為蒙人田獵驚擾墾戶呈請限制事案據紳民劉堪等聯名呈稱蒙古田獵蹂躪民田墾呈嚴禁等情據此查蒙民好獵動輒合圍不拘兔狩之經徒侈游田之樂然當蒙荒未放之前不放萬畝千林都為靈囿今值米甸墾闢之後應知麟胙雉臠悉屬農郊乃或依舊禽荒如前馳騁千人百人而為伍十日五日以為期繫大呼鷹裹狼載酒逐兔所到則塵囂蔽天縱馬而來則黍苗撲地已令人人疾首怒不敢言甚且槍林彈雨誤中牛車凌斃掩禽驚及孺婦誠屬伏機危險妨害公安尤可慮者墾民之村舍初成匪徒之出沒無定萬一乘虛假藉冒獵逞奸直入民屯肆行劫掠則不第漢民之防不及防即蒙屯亦險而又險也竊念聖王講武農隙為經周禮時田虞中有制是苑囿有一定之地而羽獵有相當之時以今法古不以可乎

爾裕

職任勸農安民為務為此據情陳請仰懇

文咨蒙王限制蒙民非冬三月不准打圍即打圍亦不准入民屯一步庶可常保久安而亦免交涉

爾

裕愚見所及是否有當伏乞

憲台鑒核施行頌至呈者

宣統二年四月

適見蒙員面約同意此文緩行

呈錫制軍擬辦農安會以資保衛

為呈請事竊於本年三月五日兩次呈請札派馬隊來雙駐紮以保墾業先後蒙

批候札營務處迅速籌撥扼要駐護等因惟撥雙之隊必係後路巡防而後遠遠戍洮南搜剿蒙匪至

今未回瞬屆秋成急須保衛茲擬創設農安會雖不能殲掃盜匪尚可略張聲勢已按莊商諸農夫僉

稱善舉先於鎮內選正董八名副董二名將采哈新甸全境分為實邊固圍利用厚生八鄉每正董一

名領袖一鄉之事其副董隨時輔正董之不逮每庄公舉庄長一名為一庄領袖按戶輪流出丁晝則

清查戶口夜則分班執更遇有賊聲鄰近四庄聞槍號一齊往救并遞號遠村杜匪去路雖新立百庄

尚未全有人烟然有此團體亦可稍固民心庶墾戶已來者不至思去未來者不至裹足也所有擬辦

農安會緣由理合具文呈請

鑒核示遵須至呈者

宣統二年七月

呈錫制軍請開河運

為據情呈請開通河運以便商民事案據紳商呂雲閣等稟請開通河運懇恩勅驗轉詳事竊以振興商業莫如航路采新之招墾以承人民日盛商戶接踵惜運貨自省城營口截至四平街火車站由五站至雙山鎮幾二百里陸路太遠脚力過重諸多不利身等勘得附近遼河東西二枝西枝出遼源境入三江口東枝出懷德境道經雙山鎮南十九里入三江口匯流營口入於海是王家船口實可為雙山鎮上下裝卸貨物之地其遼源一校早已通運本境亦欲援案辦理以利商民為此奉懇局憲勘驗俯准轉詳實為公便等情據此爾裕當即溯流勘得該河為赫爾蘇河俗呼為東遼河水深可五六尺泥底泥岸縱寬四五丈三四丈不等以之開通航路洵一方所大利也况采新新闢蒙荒惟求地方發達人民衆多自以便利交通為要點今紳商所稱尚無不合除批示外合無仰懇憲台鑒核准照遼源開通河運成案辦理并出示嚴禁刁民阻攔之處出自

鈞裁

宣統二年九月

此案呈請後親詣省督署謁見

督憲面述開運之利而不須費庫欸

督憲問曰開運誠利矣於遼源有礙否對曰有曰何言之對曰遼源河水淺不及此河深遼源河底河

岸皆土中灰沙每夏水大則沙沉而船滯且此河開運則懷德北境吉林長嶺郭爾羅斯公蒙旗糧石勢必就近而來遼瀋商業將有減色之虞也曰遼源州張枚心地明白否對曰心地明白既明白則不妨令就近查復渠不能永官遼源汝亦豈能永官雙山皆各為地方起見耳焉有不可是時蓋已批令遼源張刺史查復去矣次年正月批回准照遼源開運辦法以興鐵路即交安鑿局就近辦理隨時具報

呈錫制軍為報明局房營房工竣請驗收

為建築告成造報請銷事竊

爾裕

遵修局房一所營房二所查原定章程局房修十二間周以垣牆東

西營各修十二間周以垣牆共發濶平銀三千兩早經呈領在案

爾裕

查看形勢西營坐落通衢駐兵

宜多爰修正房十二間添修平棚二間并大門一座院牆一週穿井一眼及馬槽馬槽皆為設備東營

房無多兵可駐爰修正房七間添修平棚二間并大門一座院牆一週惟局房為設治基礎十二間為

數太少不敷應用因於十二間之外添修九間又馬棚二間院牆八十丈復添設屏門映壁水井等類

共計局房營房三所大小房四十六間較原定開數添出十間連院牆井竈棧棚油漆統共支用工料

價濶平銀二千九百八十六兩有奇尚餘銀十三兩零六分有奇伏念米新荒僻地也一磚一木皆須

購自遠方夏秋水連綿築室心悸而工師笨拙直如天授當工程方興之日正

爾裕

區畫荒郊安設

村屯之時外而鬪匪滋擾防護無兵內而有限司書迫於冊表又不肯稟派監修致耗止款只有

爾裕

勸農之暇躬親督責如其卑陋太甚恐貽腐敗之機如其略壯觀瞻又為款項所限半年之久竹頭木

屑靡不闕心今告成矣論房間則可云苟完而莫求華麗論款項則力求樽節而尚有數餘

爾裕

仰荷

憲恩勤勞固屬分內豈至稍存矜伐而當日困難情況則不敢不述之於

憲台之前耳所有遵修局房營房除分報度支司查核外理合繪具圖說并造冊呈請

鑒核派驗收工實為公便須至呈者

宣統二年九月

呈錫督憲為創設學堂暨用款辦法

為呈請事竊查安壘章程有公地私產遇有熟田第一年每畝每月納學警捐銅元三枚次年四枚三年五枚又公地遇有熟田從第一年起分別上中下地三則九六三斗納租歸正紳經理興辦本地益

筆詰

爾裕

於宣統二年共招民墾地六百四十五方內有熟田二千一百五十一畝公地十一方內有

熟田六十八畝爾時因磁負初來新居不易曾示令學捐從三月一日起納蠲免正二兩月眾戶欣然

計至年底十個月共收入銅元六萬六千五百七十枚合小洋五百五十四元七角五分其公地熟田

租按市作價共收入小洋二百十九元零三分均係由本局登冊發給捐租憑單而款項則由局送本

戶交鄉長公所核收并取收條到局粘冊存案官紳民戶皆相信而無相蒙恩可長久而無弊再查安

壘章程有由

爾裕

捐廉百金倡辦半日學堂以為興學基礎一條誠以新招商民籍貫既殊秉賦難測

非教誨速施難期就範况當立憲之時兼有國會之約民不讀書焉能明理苟不明而欲其心地純

粹職見正大一祛疵雅之風不長器陵之氣豈可得耶

爾裕

生居齊魯略職詩書敢謂官卑生成自外

客冬延各鄉長庄長而議之先就本鎮創設半日學堂一處改名簡易職字塾內附漢蒙蒙養學堂共

招學生六十名就近考取中文教習一名功課照章統計教員薪膳堂中雜支房租器具諸費節儉歲

約小洋四百元之譜又於蒙古班達窩棚公立初級小學一處修房三間共須二百元教員薪膳器具

等件歲約二百元此學堂三處體操教員則有本局教練預警之教習陸軍畢業生馬內若登爾裕長

子方儀 山東青州中學堂肄業生純粹義務循環教授不支公款一錢一切章程均由爾裕認真考察

總以費錢少辦事多人得實濟款無虛耗上以副

憲台知遇之深下以救時艱於萬一是則區區之誠也統計年費小銀元一千元之譜由爾裕捐廉百

五十元由去年學警捐公地租提半數歸學堂存備半數備辦巡警再由本年學警捐公地租內提半

足用矣所有提款與學各緣由理合呈請

太帥鑒核示遵除分呈提學司外頌至呈者

批呈悉該員於勞來安集之始即以振興學校為入手要圖復捐廉以為之倡具見辦事認真熱心教

育應准照辦

盧提學司批

據呈已悉該處草萊初闢振興教育自是入手要圖該局長會同紳董創設學堂三處復捐廉以為

之倡毅力熱心深堪慰佩隨批發去奏定學章一部學部改訂兩等小學課程一本各種教科書三

十冊仰即查收轉發可也此繳

宣統三年正月

呈度支司齊為據呈代懇緩免酒稅由

為據稟陳情恭乞

憲鑒事竊

爾裕

於宣統二年十二月十七日據民人喬永聚牛永山等稟請開設燒鍋詳請援照閩澤

溥開燒一案一律免稅二年呈請

憲台鑒核示遵在案茲於本月二十一日恭奉

批開呈悉查此案前據遼康稅局稟稱喬永聚牛永山在雙山鎮開設福聚永純興泉燒鍋並未請領牌照應否照閩澤溥所開燒鍋暫予免稅等請當以喬永聚等所開燒鍋並未請領牌照擅自開燒本應照章查封姑念該商已稟明安墾局與私燒者尚有區別應從寬由稅局飭令自開燒之日起補納稅款一面請領牌照照章納稅批飭在案今據呈請援案免稅查職商閩澤溥係遠挾厚資在邊荒創設燒鍋原為振興商務起見故前已批准免稅二年茲查喬永聚等不過小本營生乘間希圖厚利且並未先期稟准竟至私燒自未便相提並論遵准援免至酒餉係消耗之品與民間日用之品不同更不得援安墾章程請免稅仰即轉飭該商等自赴稅局照章補稅並請領牌照以憑營業切切此繳等因奉此彌見

憲台於鄭重

國課之中仍厲體恤商民之意莫名欽服當即飭知該商祇遵先是正月初十日遵康稅局派差征收該酒稅並正知收悅緣由爾裕當即面諭該商並轉飭各商等稅為開導燒鍋與他項營業不同國課所闕毋得以鴻源緩稅為詞別存希冀去後於十六日該商又具稟到局痛陳邊荒初闢營商艱難懇請轉詳仍求

憲恩緩稅等情經爾裕批示稟悉所請轉行詳懇免稅等情雖詞理尚無不合但既據遠康稅捐局稟

奉度支司憲批准納稅本局呈文至今尚未批回未便據情詳請該商即便遵照可也此批至十九日商董康德新及商舖廣隆昌等五十八家聯名稟稱為商情急欲上達叩懇恩准轉詳事竊等多緣領買永哈新甸荒地及領買雙山鎮街基之人因局憲招墾招商曲體人情苦口教誨一時遠近莫不歡欣兼蒙

督憲批准章程商家免稅三年於是樁營商以墾地者半年之間集至五十餘家且有江南賑捐局委員關澤溥擬設燒鍋於前墾戶喬永聚牛永山等請設福聚永純興泉燒鍋於後市面頓有起色新開荒地六百餘方糧草亦漸有銷路突於本年正月初十日遵康稅局派差征收福聚永純興泉兩燒鍋試燒兩月之酒稅並諭知度支司批明該商小本營生乘間希圖厚利未便據准援免等因旋奉局憲抄傳稅局函稱收稅等語飭各商家婉為開導兩燒鍋務遵批納稅等因伏思酒稅為

國課所關誰敢不遵章繳納但雙山鎮係開荒地地方當日局憲擬章

督憲批准免稅三年所以體恤商情者無微不至且鴻源燒鍋未設之先已稟奉度支司批准免稅二
年今福聚永純興泉已於客冬稟懇局憲詳請照鴻源一律免稅乃回批未奉收稅人來同是國民應
無厚薄若謂鴻源資本大可以興通地面故免稅他家燒鍋資本小不足興通地面故不免稅似與天
無私覆地無私載之意略有不符如謂鴻源荒地多開燒所以銷糧而他家亦皆因有荒地藉商經理
現雙山鎮地多舊富開三燒鍋無碍民食况福聚永純興泉資本無多燒酒有限即收稅全年不還一
千餘金似以一律蠲免方足副

上憲惠愛羣黎移民實邊之至意又况酒稅一收風聲四出眾民失望遂有租定市宅現又退還者矣
有去年獲利現想歇業者矣受此影響雙山鎮難望興通商業蕭條則墾戶萬難暢旺今春正當防疫
之時招墾已屬不易倘再因稅務添一阻力勢必更形冷落商等為公理起見為實邊禦侮起見用敢
聯名瀆懇局憲恩准轉詳

上憲格外施恩俾燒鍋一律免稅藉以鼓舞商民競來斯土俟兩年之後商賈雲集既可副
上憲移民實邊之美意又可增

國課於無窮較之目下收取貧民涓滴之稅其得失大相懸殊也須至稟者等情據此查招商為卑局

職務安墾有緩稅之條但燒酒不在此例當去年十月喬永聚牛永山同時稟請開燒鍋以墾業爾
時爾裕以邊荒枯寂有商便佳又因關澤溥運稟

憲台批准開燒免稅二年足見

憲台惠愛商民有加無已且是時關澤溥之鴻源燒鍋並未造房開燒尚緩遂據喬永聚等之稟批示

准先試燒兩個月由本局查看情形如果於地方有利無弊再行詳請

憲台酌示免稅期限擬奉

批准後飭赴邊康稅局請領牌照該商遂於十一月初二日試燒時逾一月爾裕遍訪土人加意考察

僉稱新荒開墾糧草頗豐燒鍋稍多糧草可有銷路實係無碍民食兼可興通地面等語爾裕遂有擬

案免稅之請既而邊康稅局稟請收稅於前

憲台批准納稅於後此不第諸商等不必再三稟請即爾裕經理邊荒亦知慎重

國課豈能為該商等一面設想第念喬永聚牛永山均係此間墾戶經營酒房費錢頗鉅現在各處防

疫行人不通酒無銷路勢必賠累且鴻源燒鍋它房未修開燒尚須時日該商等小本營生倘蒙直格

體恤又兼全境商民聯名代求情詞懇切爾裕不敢整於上聞所有福聚永純興泉兩燒鍋再懇免稅

緣由理合據請詳陳可否

恩施逾格量予緩稅期限以福邊氓而安衆心之處伏乞
憲台鑒核批示祇遵須至呈者

宣統三年正月

墾戶未到由官招佃告示

為劃切曉諭事照得領荒到手急應開墾既堪藉地養人又可早得租粒是以本局安墾章程有荒蕪
兩年即行給價撤地歸公一條業經分佈各處人盡知曉去歲招墾之時業戶多有未到有經本局代
為招佃者內有熟田當年應納租根除業戶秋後到局報名已將佃戶交給收租外其業戶始終未到
者均飭令農商公所催收充公以墾玩延現屆第二年招墾之時業戶仍多未到固因防度之阻隔亦
或道遠力薄知難而退若不急為設法則春田天於耕耨所一年之計全拋今年既令荒蕪明年必行
撤地本局反復善思不得不直落體恤茲酌定所有荒地除早經報墾自墾外均由本局陸續代為招
佃並將招墾書發給墾戶無論上中下地一律准佃三年上地三年後另行議租中地第三年每方納
租五石下地第二年納租八石第三年納租十二石內有熟地則當年按响照官地租數繳納由農商
公所暫為代存業戶到日如數領去絲毫不准短少其業戶始終不到局報名者租仍充公惟代招佃
戶如果尚未興犁而業戶遠來自墾則應歸業戶耕種若業戶招佃則須歸原佃承墾以示天理人情
兩全無害惟不准私自轉佃以圖漁利耳本局為體恤領墾急謀懇闕起見合行出示曉諭為此示仰
闔境一體遵照毋違切切特示

呈趙制軍漢蒙清界報竣

為漢蒙清界完竣并籌議屆期撥

辦法呈請憲鑒飭度支司備案事竊查米新漢民價領蒙地因其

中雜有零星熟田且封堆標誌經時不完以致客歲秋成蒙人硬欲收煇幸見機尚早稟由黃道仕福

派局員張令錫鴻審明取具甘結風潮潛消

爾裕

職司勸農實有安民之責深恐蒙漢交惡禍無底止

遂於上年十一月初七日稟准

前督部院錫派蒙務局總辦黃道於文放站荒餘暇就近會同清界永息爭端在案本年春防疫阻隔

黃道尚未舉辦突於四月間蒙人強奪忠信庄漢民孫長富固字二百三十七號地一方劉漢章固字

二百三十六號地一方公地邊字一百五十七號地一方又安仁里公地邊字一百七十五號地內熟

田十五晌均阻漢牛犁強佔罔計其餘先後侵種者尚不在此數該民及佃種公地之戶來局哭訴勢

其憤激

爾裕

若口勸導令其靜候辦理不准野蠻生變當即稟明黃道越十餘日情勢益迫復電稟前

督部堂錫旋奉電飭黃道雷開據新甸牛委員電稱溫都王藉站荒要求新甸現又使人奪墾多處藉

以要求津貼得步進步不但新甸民不堪命恐站荒亦不易辦

爾裕

苦勸墾民靜候辦理已稟黃道伏

乞憲鑒施行速安民心等語查此案前經該道議給該王祈津貼銀三萬兩本屬從優議恤何以該王

藉以要求奪佔新甸墾地殊深詫異應仍由該道迅速切實開導務在該道手內妥為了結以免糾葛

不清墾民受累仰將辦理情形隨時電稟并飭牛委員知照等因嗣經黃道帶委會同溫都王長子輔國公銜陽倉札布前來清界

爾裕

隨同勘驗於閏六月二十一日一律完竣惟充公地邊字百五十七

號地一方其南段在蒙古噶哈吐屯基之內會商將此屯基半方讓與蒙人當即劃清界限并勸令漢民遇有蒙墳均酌留二三丈以澤枯骨此外所有蒙人奪墾之處均已退出其侵墾公民熟田從寬准其收獲免租秋後如數退地其餘地畝俱照原放冊圖指劃清楚復議定日後無論蒙漢僮再越墾犯邊各由安墾局按照冊圖秉公辦理其

奏准津貼溫都王賞民銀三萬兩亦由黃道就此交清以上各節已經溫都王咨明黃道轉呈

憲鑒在案惟六年升科履行清丈之說蒙人極為快意之談類其意蓋以為原放時繩弓稍寬目下之地價翔貴遠六年後再加覆丈則得餘之地直同奇貨也果爾則領戶之受累既已無窮即漢蒙之訟端恐難遏止伏思丈放地畝自

憲台將軍任內創立劃方之法本可永免覆丈况此次蒙人既已受津貼銀三萬兩則雖地畝方數稍有贏絀儘可由地方官隨時勘斷似不應蒙人再行覆丈即或必須覆丈亦應臨時稟請

派員會同勘丈如過浮餘之地准原領戶按照原價承領如原領戶聲明不領再在四鄰按照原價承領如四鄰再聲明不領始在蒙古按每方或地邊或地尾收回另賣如此始可息蒙古之訟端而漢領

戶亦不至大受苦累至所得地價仍以一半報効國家一半歸業新充公前次已將此意面稟黃道商
諸陽倉札布矣爾裕泰什安墾兩載以來情形稍熟不敢不為國家人民預防後患所有此次隨同清
界并撥出公地半方以補蒙人屯基緣由暨六年後可免覆丈及覆丈辦法理合呈請
憲台鑒核并

飭度支司蒙旗札薩克及溫都王遵照備案實為公便須至呈者

宣統三年九月

呈督趙制軍雙違互爭公地請查案批示

為兩境紳董互爭公地懇予查案批示永息爭端事竊本局於宣統元年開辦之初接准遼州牧移送采哈新甸公地五十三方地號清單一紙移稱采哈新甸等處荒地放峻所有該處墾戶因荒控爭各案蒙前升任趙道台蒞會同蒙局訊明孫明鼎等私吞冒領各款如數追出分別發給各戶當其領其餘銀兩原係浮冒之款并無應領之人當即投銀核扣上中下三等荒地五十三方留作遼源州官地以租利興辦地方公益事宜一面呈蒙

督撫憲批准飭知在案現在安墾局既已設立應開單移請招墾等因爾裕遵照單招墾但其地沙城多

而膏肥少公家又無資本代墊牛糧籽種是以兩年工夫招戶已墾者上中下地共十九方已招戶而尚未墾者十一方其內有熟田四十七畝六畝由局督飭紳董照章收租宣統二年所得租價數目早已呈報在案宣統三年俟租收齊時即行呈報至該租充學警各半用之亦均先後呈蒙

憲台鑒核在案惟近日遼源各董要求高收移局提款謂此項官地租利係稟明各憲留作遼源州公益之用爾裕當即轉飭雙山各紳董核欵繳賬速送遼源州署乃各紳董稟稱前升任趙道判結時當

堂宣布判詞有五十三方留作公田以租利興辦該處公益等語該處二字係指采哈新甸而言不問可知且此地原係吳玉祥名下應領之地因吳玉祥家死亡相繼無人承領始有人冒領因有人冒領

始提出允公是以米哈新甸既死之民應領之地充作米哈新甸開荒之民公益之用名正言順不應復有異詞只爾時尚未設局安墾是以大照填寫遼源州衙門字樣即將此地寄存遼源招墾此亦勢所必然者至於今日雙山尚未設縣則此項租糧或歸遼源州尊督理或歸局憲督理皆無不可但須註明係米哈新甸興辦公益之地非遼源興辦公益之地方與原案相符等情據此查遼源州牧與爾裕均有地方之責均無爭有公地之心但兩處紳董各執一詞以爾裕審察其間雙山紳董所稱如果屬實亦頗有理第不知前升任趙道淵原稟時果否有該處二字爾裕恐兩處紳董爭持既久必興訟端不可不早杜亂萌用敢呈懇

鑒核查案批示以便飭遵實為公便須至呈者

民國元年三月五日

呈都督兼民政長張

為呈覆事案奉

奉天行政公署訓令財入字第二千三百十六號令開據遼遠縣呈轉各界呈請飭令安墾局迅將公地五十三方歸還遼紳接管以符原案等因奉此伏思

爾裕

忝從行政官之後有保護公民之責無把

持公產之心此項公地自宣統二年歸本局招墾即歸雙山紳董經收租利民國元年十一月奉都督令照原案將此項公地歸遼紳經管

爾裕

當即傳知各紳董迅速遵繳並再四傳催乃該紳董僉謂

都督訓令與省議會議案均以原案為依據而原案有留作公地以租利興辦該處公益字樣該處者確指采哈新甸而言當是雙山公產并聲言須另請議等語以致延不繳出

爾裕

欲強迫交出則恐惹

起雙山全境風潮欲不交遼源而遼源又朦朧請議捏造呈催難辦

憲詰茲不得已將此項公地招

佃戶數墾戶姓名歷年租糧收支等項造具印冊送呈鈞鑒并希

飭查原案租利興辦公益句內有無該處二字有無遼源州永久公地字樣如果無該處二字有遼源州永久公地字樣自應歸遼源管業即將此冊由公署令文遼源縣接收統祈

鑒核指令施行謹呈

民國二年五月

照會雙山自治會

為照會事案奉

有公署訓令元字一千六百七十五號內開案准省議會咨開據雙山縣全境代表孫煥宸等請議遼源紳董捏造原案謀奪雙山財產一案本會於本會二號會議飭以所陳各節如果屬實該遼源縣未免橫生枝節惟其間輾轉情形無從查悉應予據情代咨秉公查辦以維公益而息爭端此本會會議此案之結果也當經表決通過相應繕具請議書咨請貴公署查核施行等因准此查此案前據遼源州呈請將此項荒地歸遼源紳經理以符原案等情當經前督趙批准仍照前批由州監督派紳經理惟該處公益等捐將來均應遵照民地章程一律繳納以示平允而行原案嗣准臨時省議會咨據遼源各團體請議安墾局牛委員把持公產議決代咨亦以前情咨覆并分飭遼源州安墾局遵照各在案茲准來咨本公署詳加查核請議書所據理由係以該處二字為根據檢查此項荒地前遼源荒務行局暨查案委員趙道淵會稟內曾聲明作為該處公地招佃墾種以租利興辦該處公益事件請飭遼源選紳經理等語是原文未明指遼源而僅言該處則應歸此地所在區域辦理公益理甚可據前因雙山設治尚未確定故批准歸遼今雙山試設縣治之案業已准行此地又適在該治境內自應隨治轉移惟遼源士紳之所爭者在辦新政款繼其情可原亦未便置而不顧此段荒地五十三方前據牛

委員呈稱已墾者僅十九方其未墾者當復不少果能於設治預算無礙不妨略予變通以期雙方并顧究應如何和平解決以昭平允之處除令蒙荒局總辦會同該知事委員等邀集兩境紳董曉以大義務期和平了結以息爭端此令等因奉此復於本月九號准 巴林愛新荒務局局長函開逕啟者案查雙山縣全境代表孫煥宸等暨遼源各團體互爭公地公款一案茲奉

省署訓令本局長會同遼源清知事暨貴委員邀集兩境紳董曉以大義務期和平了結以息爭端等因到局相應專函布達即請貴委員邀集貴治代表孫煥宸等赴期來遼以便會商辦法俾早議決以憑呈覆等因准此查此案爭辯經年 鄙人 承乏其間不能不維持公理竟至貽謗鄰封舉火焚空本無足怪誠以公地者公民之公地非公僕之公地公僕有保護公地之權即有輔助公民伸張公理之責今幸 省議會 省公署解釋詳明雙山之理直矣汶陽田返連城壁還夫復何感第念齊楚秦越均是同胞矧茲雙遼更如手足在

列憲既已直雙山之理而復恤遼源之窮則

貴會諸君亦應仰體

列憲之苦衷周顧比鄰之新政務輕財而重義冀永好之克敵邊外風寒干戈

未靖同舟濟難猶恐不贍何忍室家再生嫌隙為此照請查照前文迅速公推代表數人前詣黃觀察

之門公同會議早日解決

鄙人

盼甚除本縣事繁不克親往另派代表并呈報暨函覆外此照會

呈都督兼民政長張

為呈報專案查前奉

訓令元字第一千六百七十五號內開案准省議會咨據雙山縣全境代表孫煥宸等請議遼源紳董
擅改原案謀奪雙山財產一案已將本案理由解釋分明此項公地五十三方適在雙山治境之內自
應隨治轉移甚可據惟遼源所爭在辦理新政款繼其情可原當飭令巴林愛新荒務局局長黃道
仕福會同兩縣知事邀集兩境紳董曉以大義務期和平了結以息爭端等因奉此旋於二年十二月
九日准巴林愛新荒務局黃局長函同前因立即照會自治會邀集各界迅開全體會議公推代表孫
煥宸等六人當經爾裕曉以齊楚秦越均是同胞矧茲遼源更如手足在

列憲既已直雙山之理而復恤遼源之窮極宜仰體

列憲周顧比鄰之新政務輕財而重義冀永好之克敦邊外風寒干戈未靖同舟濟難猶恐不勝何忍
室家再生嫌隙務早日和平解決第冬防吃緊又值審檢所裁併勢難輕離職守當派科員代表偕同
自治學農各會董孫煥宸等前往會議一再磋商經黃觀察持平調解雙方許可將公地五十三方除
雙遼兩境名義公同布施城隍廟生字二百三十七號上等生荒一方暨前撥補蒙屯留界中地半方
不計外實存上中下各地共五十一方半全歸雙山地方為永久公產與遼源無涉其遼源代追徐茹

奉程銘閣等歸公銀三千六百三十八兩所撥繳之房地各產永歸遼源營業作為雙山補助遼源新政之產并由雙山公款提出藩銀二千一百六十五兩七錢五分作為雙山補助遼源新政之款其餘徐程撥繳之房地早經遼源收存其藩平銀二千一百六十五兩七錢五分勻至民國三年四年秋收後兩期付清以期永斷枝節并經黃局長移行到縣請即取具各紳董甘結見覆并據專科員稟同前情且稱此項公地大照仍由黃局長呈請

省公署訓令遼源縣刻期移行移送雙山等語查此案控經年餘前蒙

訓令地隨治移自應照隨地轉復由爾裕照知自治各員邀集各界團體開會提議表決并取各代表

等允服甘結二分分別存送除將甘結送請黃局長查核轉交守候遼源交還大照五十三張外理合

將雙遼控爭公地現已和平了結以副

鈞命各緣由具文呈報伏乞

鑒核施行謹呈

民國三年正月

詳張上將軍兼巡按使張

為請委賢員以召天和而蘇災黎事竊爾裕自安壘以來地多新闢穀慶豐登閭閻開衣食之源草野

進禮讓之化是以三年成邑百里同風下慰邊氓上舒厚念不料本年春夏之交雨澤愆期早既太

甚麥苗淺茁驕陽曬而將枯穀種未萌狂風捲而疾走爾裕由省旋署越日即率村民效桑林之禱安

蒼生之心為文自責竭誠以求奈連朝而雨僅洗塵視大因而土難破塊遍查全境透犁者不過十村

屈計時光嗚咽而已逾五月未獲東作焉望西成哀此層黎有何罪辜此皆由爾裕行政無方事多失

職致乖天地之祥和乃降一隅之災戾惟有懇祈

巡按使速解爾裕之職迅委賢良之才來救雙民上回天怒庶幾大風不起甘雨隨車勃然興既禱之

苗一時有轉豐之象是所幸也爾裕為地方人民起見言出至誠尚祈我

巡按使鑒此苦衷莫惜爾裕一人去官以拯雙山饑饉之歲是為至禱謹詳

民國三年六月十八日

批據詳已悉該員以雨澤愆期引咎自責情詞慳惓具見愛民真摯不愧循良該縣設治未久百端待

與倚任方殷慎勿遽萌退志所請另派委員之處應毋庸議此批

書雙山田賦事

田賦劃一自民國三年實行屢奉財政廳通令催辦遂呈明 上行軍兼巡按使張錫鑾大帥言雙

山放荒時奏准六年升科歸蒙古征收若以放荒年之計之民國三年已屆六年若以實行安墾之年計之則民國四年方屆六年然則應由本年冬起征或俟明年冬起征應請鈞裁至蒙田征收一節尚有可議查昌圖遠源奉化洮南等處皆係蒙荒皆係政府借放蒙地以養漢民是以領荒之戶皆為蒙古佃戶歲納地租（即田賦之別名）於蒙府獨雙山全境係蒙古指地期借漢債及期爽約漢戶訟索二十餘年始經前錫制軍奉結由審判廳按名應得歸款若干折領荒地若干是則以地還債與買賣同一性質地土權歸之漢戶蒙府無再收地租之理但茲事體大非知事所敢僭議應請 鈞座

核辦旋奉 訓令財政廳核議財政廳議以為然但此事關係蒙古利權請令洮昌道就近核議旋由洮昌道王觀察來議覆如知事所言土地權不屬之蒙而屬之漢當然雙山縣征收以伸法理既冬奉巡按使令開此案經該知事呈明廳道議覆當然歸為國有權由雙山縣自民國四年起征即行布告可也 爾裕 本擬再請征收後每年提五成給蒙王府作為補助蒙警之費藉以暫安蒙府之心而寧蒙漢人民之文際嗣因張有長元奇到任余奉令解組此議遂寢至民國四年聞又翻案仍歸蒙古收租矣噫

記鑿渠洩水事

荒地草豐水自上就下節節為草逗留至歸河時水已無幾若壅闕成田則雨水多一洩排倒勢不可遏雙山界內無洩水河入遼境里許始有小河土人呼為二道河子由此西流十餘里始歸大河即東遼河若不入二道河子則雙山實字鄉膏腴田盡成澤國歲甲寅秋雨集水自北境蜿蜒而下將自遼境遼人築大壩東西長數里阻流雙民告余曰遼人當壩阻水壞田禾無數請治之罪余曰汝等隨我往驗之立即乘驛車涉水往勘得所築新壩信然壩上遼雙民數百皆環以待官之一言余沿壩勘至二界外其地勢本熟胸中片語未發而回雙民從之署請余曰勞公駕視已周民等固未妄言也余曰汝等言誠不妄但汝緣何惡壩眾曰彼築壩阻水民等田無禾無食則無食不生矣余曰信然然汝但知彼阻水汝無禾汝不知彼不阻水彼無禾耶汝無食不生彼無食獨生耶眾語塞既而曰公意若何余曰余願雙山有洩水處亦願遼民無水患汝等姑退余咨遼源縣長訂期會勘以除兩縣之害而圖兩縣之利可也眾唯唯時宰遼源者為浙江錢君師韓山東老刑厓也函牘兼致果如約至期余往而錢君因事未來警長與鄉團長代之來執詞甚恭余曰貴縣長外籍君等本籍地勢熟莫如君等君等來甚善渠曰公意云何余曰遼雙異邑民則同雙山有洩水之處遼源亦無水患則余心也二人曰焉得至公如公者余曰其法當由雙民出資買地數畝鑿南北成渠俾雙水可洩入二道河子逸

西河身係遼源境流域歲久失修須疏之吾雙亦當助疏費二人曰焉得至公為公者遂草一圖交二人携回覆命越日又與錢君訂期至期果未雙遼紳民至者百餘是時連夜雨平浴若大川先是前二日雙民已買得遼地三晌次日頃刻鑿成雙水傾囊下及余至遼民妬甚然地為遼民所賣理無可言會勘得西流域應一千八百丈須洋一千八百元遼民欲雙山完全擔任錢君否之磋商至再雙助六百圓符三分之一數也議既定余乃冒雨回署水與車平衣履盡濕次日錢公回署來書附卷余答之并述始末呈大府大府覽甚而雙山從此有洩水處遼境之界雙山者亦不致受雙山水患矣

民國四年二月

雙山留別詞

半生心血在雙山自道勤勞是好官好是在官去
更好好官賴有好人看
好是雙山是我家家人日月課桑麻力田孝弟西
京詔添得詩書錦上花
披星戴月五經年手斬榛蕪殖陌阡從此豺狼無
宿處鳴琴端藉後來賢
欲去雙山馬不前兒童耆老淚潛然道旁白雪深
三尺慰說今年大有年

民國四年一月

知雙山縣事山左牛爾裕